

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Alexandri Magni Regis Macedonum vita

Gualterus <de Castellione>

Argentin., 1513

VD16 G 3848

Liber secundus

[urn:nbn:de:bsz:31-327103](https://nbn-resolving.org/urn:nbn:de:bsz:31-327103)

ALEXANDREIDOS

Vrbis: perpetuo donauit munere ciues

¶ Argumentū Secūdi libri.



Reparat ad pugnam Dariūm Persarūq;
secundus

Scribit Alexandro Darius: populum
q; recenset

At macedo fatale iugū mucrōe resoluit

Seq; sibi recipit: morbum curante Philippo

Stant hinc inde acies Cilicum conclusa iugosis

Faucibus. iniusti syfenem premit alea fati

Spernitur a persis ducibus. licet vtile: docti

Consilium Timodis. placuit com mittere fatis

Omne simul robur: socios horfatur ad arma

Acer vterq; ducum: plaudentibus assonat aer.

¶ Ltorem patrię magnum iam fata minantem

Nuncia: Persarum discurrens fama per vrbes

Desidię torpore grauis luxuq; soluti

Terrifico strepitu. Darij concusserat aures

Qui licet imperio maior: munitior armis

Obsequijs regum: precioso ditior ere

Nobilior titulis: euo maturior esset

Bellatore nouo: tamen experientia martis

Qua disffuetus erat: & pax diuturna labantes

Impulerat regis animos: vt in omnibus esset

Inferior duce: quo poterat prestantior esse

Si mens tanta foret pugnandi: quanta facultas

Ne depressa tamen terrore: minusq; rigoris

LIBER SECVNDVS

Regia maiestas videatur habere: superbo
 Intonat ore minax Darius. gentesq; subactas
 Colligit in castris; cuius per regna volante
 Ocius edicto: ruit omnis in arma iuuentus.

Interea a Dario: ne nil fecisse videri
 Possit. Alexandro legatur epistola talis
 Rex regum Darius: consanguineusq; deorum
 Scribit Alexandro famulo: licet indole clarus
 Parce puer teneris; & adhuc crescentibus annis
 Non est apta legi quæ non maturuit arbor
 Quos tibi sumpsisti temerarius exue cultus
 Armorum: & caste gremio te redde parentis
 Quæq; tuæ potius ætati congrua misi
 Lora tibi; teretem q; pilam; forulosq; capaces
 In sumptus. comitum fomenta. viq; leuamen
 At si tanta tuum vexat vesania pectus
 Vt paci lites; & amico præferat hostem
 Non equites; verum furiosa mente clientes
 Emittam. qui te correptum verberare: duris
 Affligant penis. tenebrisq; perhennibus addant

Frendit Alexander modice turbatus. eisq;
 Qui sibi detulerant Mædi mandata tyranni
 Procincte subicit. meliusq; interpretor inquit
 Et magis egregie. vestri munuscula regis
 Forma rotunda pile. speram speciemq; rotundi
 Quem mihi subiciam pulchre determinat orbis
 His in subiectos mihi Persas vtar habenis

ALEXANDREIDOS

Græcorumq; sinus forulos implebo capaces
 Cum victor: Darij veteres effregero gazas
 Sic ait. & formę regalis ymagine cere
 Impressa, vario legatos munere ditat

At Darius quamuis fama mediante; recepto
 Mennonis excessu, labefacto pectore nutat
 Aspera fortunę tamen in contraria torquens
 Conclusus procerum serie; peditumq; cateruis
 Tendit ad Eufratem. vbi tot radiantibus auro
 Gentibus explicitis, diffusis æquore vasto
 Tot populis, vires dedit in commune videndas
 Elatusq; animo vallum circumdedit; vnde
 Primo sole locum feriente recensuit omnes
 Xerxis ad exemplum. donec nascentibus astris
 Montiuagę phœbes: precederet hesperus ortum
 Egreditur vallo virides effusa per agros
 Infinita phalanx, numerumq; recensita vincit
 Spargitur, & speciem maioris copia prebet
 Sic vbi balantes ad Pascua veris iturę
 Vt totidem reddat pastor quot fudit ouile
 Mane nouo numerantur oues, quas anxia sortis
 Ne minuat numerum lupus, opilione sinistro
 Capripedi fauno' commendat sedula baucis
 At prior in Magnum; Darij congressus, & acris
 Pugna sub illustri aduerse duce Mennone patris
 Millia nobilium tenuit sexcenta virorum
 Quos licet inferior numero sed fortior armis

LIBER SECVNDVS

Fudit Alexander; expugnatamq; suorum
 Viribus, intrauit Midę prædiuitis aulam
 Gordiam veteres: Sardim dixere moderni
 Hic Asiam refluus vndarum in cursibus arctant
 Faucibus angustis, gemini confinia Ponti
 Hic ab utroq; mari distans sangarius eque
 Littoribus tamen alterius communicat vndas
 Hic Iouis in templo Midę patris alta coruscant
 Plaustra, iugumq; vetus Asię fatale, sed eius
 Funibus inter se coeuntibus; arce latenti
 Complosisq; iterum, spaciofo tempore; nemo
 Vel reperire caput poterat, vel soluere nodos
 Certa fides vrbis: ita disposuisse tenacem
 Fatorum seriem; qui vincula solueret; illum
 Regno totius Asiæ debere potiri
 Mouit Alexandrum supplendi fata cupido
 Attollensq; iugum; nexus dissoluere tentat
 Luctatusq; breui; cum se contendere frustra
 Aspicit, astantes ne triste reuerberet omen
 Quid refert inquit proceres; qua scilicet arte
 Quoue modo tacite pateant enigmata sortis
 Dixit, & arrepto nodos mucrone resoluit
 Vnde vel elusit sortem, vel forte reclusit
 Hinc venit Anchiram, missis qui marte retundant
 Cappadocum gentes, quibus in sua iura redactis
 Mane iter accelerat Macedo; spacioq; diei
 Vnius stadia: rapidis quingenta peregit

ALEXANDREIDOS

Gressibus; accelerans pauidum peruertere regem
 Quippe graues aditus Asię faucesq; locorum
 Angustas metuens; Cilicum iam plana tenenti
 Obuius ire parat Dario, qui primus eo
 Cum sol roriflua stillaret lampade castra
 Mouit ab Eufrate, lituis caua saxa resulant
 Respondent valles, ictusq; fragoribus aer
 Ingeminat strepitus; agitantq; tonitrua nubes
 Hic fragor in castris sed & hic erat agminis ordo
 Ignem quem Perse sacrum eternumq; vocabant
 Axibus auratis argentea prætulit ara
 Alba Iouis currus series ducebat equorum
 Celatasq; decem gemmis auroq; quadrigas
 Tam cultu varię: quoniam lingua & moribus; vno
 Agmine bissenę comitantur in ordine gentes
 Quosq; immortales mentitur opinio vulgi
 Mille fere decies plaustris, auroq; feruntur
 At consanguinei regis muliebriter omnes
 Milia prętextis; ter quinq; feruntur amicti
 Mole graui medius, radijs stellantibus auro
 Inuehitur Darius curru, quem stipat vtrinq;
 Effigies numerosa ducum; quem predicat ardor
 Gemmarum, & luxus opulentię barbara regem
 Desuper ardentis feruorem temperat estus
 Fictilis aurata; pendens Iouis armiger ala
 Hunc hastata decem præcedunt milia; quorum
 Aurum cuspis habet, argentea candet arundo

LIBER SECVNDVS

Præterea Darius præclaros sanguine regum
Contiguos lateri præceperat ire ducentos
Neue sit in promptu Danais penetrare tribunal
Regis, munitis peditum præstantibus armis
Clauditur extremum ter denis milibus agmen
Subsequitur Mædi plenus genitrice tyranni
Currus, & vxor adest, natiq; & tota supellex
Regia, pellicibus totidem sub pondere tanto
Quinquaginta fere suspirant plaustra vehendis

Moris erat Persis ducibus, tunc temporis, omnem
Ducere in arma domum, cum tolli signa iuberent
Sexcentis sequitur inuecta peccunia mulis
Tercentumq; onerant, dorso surgente camelos
Pluribus hoc agmen, centenis milibus ambit
Funditor, & leuibus funde iaculator habenis
Vltima procedit leuis armatura virorum
Excedens numerum, pedibusq; accitus & axe
Aurea puluereus inuoluit sydera turbo

Interea Macedo profugis vastantibus arua
Cilicię deserta videns; rapit agmina ductor
Ad loca que tyri dixerunt castra priores
Præmissis igitur duce Parmenione cateruis
Tharsum seminecem Perfarum seruat ab igne
Hic vt scripta ferunt illustri claruit ortu
Per quem precipue cecis errore subactio
Gentibus emerfit radius, fideiq; lucerna
Purus & illimis mediam perlabitur urbem

ALEXANDREIDOS

Cignus: qui gelidos haurit de fontibus amnes
 Contentus sese est: nullasq; aliunde ruentis:
 Admittit torrentis aquas; sed gurgite ludit
 Calculus, & refugo lapsu lasciuit harena
 Hic primum didicit magnus durare salutem
 Nulli continuam, sed mixta aduersa secundis
 Impulit hic regem vis presumptiua superbum
 Que potuit potius laudis iactantia dici
 Ergo cum casu luctari fata videres
 Queq; aspirabat ceptis fors prospera paulo
 Substitit, & macedum spem desperare coegit
 Estus erat medius: cum sole tenente leonem
 Iulius arderet: medioq; sub axe diei
 Arida cilicij findit vapor igneus arua
 Perfusus macedo sudore & puluere membra
 Temperie fluuij captus: specieq; liquoris
 Corpore adhuc calido: subiectis insilit vndis
 Horruit extemplo: gelido perfusa liquore
 Tota viri moles, vbi non inuenit apertas
 Spiritus arterias: corpusq; relinquit inane
 Frigore: vitalis calor interclusus aquarum
 Fluctuat: afflictus rex, exanimusq; suorum
 Extrahitur manibus: oritur per castra tumultus
 Flebilis, & grauium ruit in lamenta iuuentus.
 Flos iuuenū macedo: quis te impetus inter amicos
 Nudum: quis casus inopina morte subegit
 Improba mobilior folio fortuna caduco

LIBER SECVNDVS

Tygribus asperior. diris immitior idris
 Thesiphone horridior. monstroq; truculentior omni
 Cur metis ante diem florentes principis annos
 Haftenus extiteras mater. quis te impulit illi
 Velle nouercari. quem promissum sibi regem
 Mundus adoptabat. sed quis manet exitus illos
 Optime rex: quibus a patria tua castra sequutis
 Non licet in patriam: loca per deserta reuerti
 Nunquid nos sine te medios mitemur in hostes
 Sed quis dignus erit: tanto succedere regi
 Audijt hec: vt forte rotam voluendo fatiscens
 Ceca sedebat humi fortuna. animamq; resumens
 Surgit. & argolicos subridens ore Sereno
 Increpat vsq; metus. ac secum pauca susurrat
 Inscia mens hominum: quanta caligine fati
 Pressa iacet. que me totiens iniusta lacessit
 Ius reliquis proprium licet exercere deabus
 Me solam excipiunt. que dum bona confero: magnis
 Laudibus attollor: si quando retraxero rebus
 Imperiosa manus: rea criminis arguor. ac si
 Nature stabilis sub conditione teneri
 Possim. si semper apud omnes vna manerem
 Aut eadem: iam non merito fortuna vocarer
 Lex mihi nature posita est sine legi moueri
 Solaq; mobilitas stabilem facit: hec vbi dicta
 Liberior regis iam morbida membra reuisit
 Spiritus. & solitos paulisper habere meatus

ALEXANDREIDOS:

Cæpit. sed nimius vrebat pectora morbus
Qui tamen attollens erecto lumine vultum
Ergo ait: in castris victum sine Marte cruentus
Victor Alexandrum rapiet. iam proximus hostis
Non medicos segnes; non Cretica tempora morbi
Expectare sinit; spolijs vlulabit ademptis
Hostica barbaries. at rex inglorius; exul
Nudus in hostili sine laude iacebit harena

Si tamen in medicis est. vt reparare salutem
Arte sciant medica. faueat medicina. sciantq;
Me non tam vitę spacium: quam querere belli
Non tam mortis agit me: quam dilatio martis
Nam licet ager adhuc: si saltem stare meorum
Ante aciem potero. cursu fugitiua capaci
Terga dabunt hostes. Danaicq; sequentur ouantes
Impetus hic regis. precepisq; libido cohortes
Mouerat ancipites. ne festinatio cure
Augeret morbum. sed enim spondente Philippo
Qui comes a patre datus est. custosq; salutis
Indulto spacio tridui. tamen anxius egre
Expectat morbiq; fugam. reditumq; salutis

Hinc Premissa ducis deturbat epistola regem
Que medicum damnat auro tedaq; sororis
Corruptum a Dario; iam tertia sparserat ignes
Explicitum tenebris rutilos aurora per orbem
Cogitur insontis hausturus pocula ductor
De medici dubitare fide. sed potio postquam

LIBER SECVNDVS

Exhausta est, cartam dextra nutante legendam
Porrigit archigeni, quam dum legit ille legentis
Nulla notare potest in vultu signa pudoris

Atq; ita subridens, bonè rex exclude timorem
Laxa animum curis; sine vim medicaminis huius
In venas recipi, qui me tibi detulit: audi
Aut ne sic pereas, reliquis ardentius optat
Sedulus, aut nostra macrescit liuidus arte
Verius vt fatear; aut in tua damna proteruit
Qui notat innocuum sceleris, qui proditiõnis
Arguit infontem, merito non creditur insons
Nam reus vnde reum se nouerit, illud acerbe
Obiciet, sic iniuste quandoq; ligatur
Iustus, & iniustos absoluit curia mendax

Hec vbi dicta, metum iubet euanescere regis
Ergo vbi transmissum medicamen ad intima venas
Imbuít, emeriti perierunt semina morbi
Exhilarat vultum color, & pallore perempto
Emergit facies, niueo liquefacta rubore
Mens redit, & virtus rediuiua renascitur intus
Occurrunt proceres auidi spectare philippum
Illius iniiciunt iocundi brachia collo
Hunc patrem patrie seruatoremq; salutant

Rex: cum sol rutilos radiaret crastinus axe
Insigni prouectus equo, per castra videndum
Se dedit, & pauidis excussit mentibus omnem
Segniciem, vultuq; suos ac voce refecit

ALEXANDREIDOS:

Inde vbi finitimas exercitus obruit vrbes
 Et sacra pro dubia; que voverat ante salute
 Perfoluit superis; ferratos mœnibus isson
 Applicuit cuneos, vbi parmenio venienti
 Occurrens; vrb̄i desertę a ciuibus infert
 Queritur hic inter proceres; an debeat vltra
 Extendi bellis acies; potiusve sit hostis
 Operiendus ibi. placuit sententia tandem
 Hęc potior ducibus; inter montana iugosis
 Faucibus, hic fatis committere robur vtrumq;
 Quippe pares illic acies vtriusq; tyranni
 Parmenio censet; angusta valle futuras
 At Sisenes; qui rem tacite suppresserat; auro
 Creditur a Dario furtim corruptus. eumq;
 Mors iniusta ferit, non ignorante tyranno
 Iamq; superueniens gręcis equitatus ab oris
 Exilio comitante fugam; duce tymode castris
 Infertur Darij, regi; salubre propinans
 Consilium: suadet; vt dum licet; axe citato
 Obliquum retro vertat iter; cursuq; volucris
 Puluereo repetat spaciosos equore campos
 At si degenerem pudeat; retroducere regem
 Conuerso ne forte gradu; vertatur in omen
 Triste suis, saltem gazas & pondera belli
 Diuidat in partes, vt si fortuna; quod absit
 Fauērit argolicis; in primo Marte supersit
 Copia; queq; recens ruat in discrimina pubes

LIBER SECVNDVS

Non mediocris enim furor est. exponere bellis
 Vno velle simul fortunę cuncta sub ictu
 Vtile consilium dederat. sed inutile visum est
 Principibus Persis. quorum peruertere regem
 Mens erat. vt merita deleret morte quirites
 Conductos. etenim parat dispergere gręcos
 Velle putant. vt sic spolijs & rebus onusti
 Ad Macedum redeant regem; pacemq; reforment
 Rex vt mitis erat fatis ac tractabilis; aures
 Obstruit his monitis. & pectore faucius absit
 O proceres ait. vt nostro dominetur in euo
 Dedecus hoc. perdam ne viros mea castra sequutos
 Castra; fidemq; meam. nunquam tam seua seueros
 Iamq; senescentes infamia polluat annos
 Sic ait. & grates referens absoluit achiuos
 Sed regredi regem; profugus ne forte putetur
 Dedecori ascribit. iam iam committere bellum
 Ardet. & angustos inter discurrere montes
 De gaza primo diffinit; eoq; iubente
 Maxima cum cuneis pars est deuecta damascum
 More tamen veterum seruato; regia coniunx
 Et soror & proles in castris fata sequuntur
 Certus ab hinc Darius; cum crastinus exeret orbem
 Luciferum tytan; regum concurrere vires
 Ascendit cumulum modico qui tolle tumebat
 Castrorum medius; patulis vbi frondea ramis
 Laurus odoriferas celabat crinibus herbas

ALEXANDREIDOS:

Sepe sub hac memorant, carmen syluestre canentes
 Nympharum vidisse choros, satyrosq; procaces
 Fons cadit a leua, quem cespite gramen obumbrat
 Purpureo, verisq; latens sub veste locatur
 Riuiulus, & lento rigat interiora meatu
 Garrulus, & strepitu facit obdurescere montes
 Hic mater Cybele; Zephyrum tibi Flora maritans
 Pullulat, & vallem foecundat gratia fontis
 Qualiter alpinis spumoso vertice saxis
 Descendit Rhodanus, vbi Maximianus eos
 Excinxit; cuneos, cum sanguinis vnda meatus
 Fluminis adiuuit, fusa legione Thebea
 Permixtusq; cruor, erumpit in æthera, spreto
 Aggere riparum, totumq; rigauit Aganon
 Hinc ad suppositas vulgi procerumq; cohortes
 Pacifici Darius, obliquans luminis orbem
 Accitis ducibus prius in discrimen ituris
 Segregat in partes, deinde sic orsus; adultas
 Ore pio spirante preces, soloq; mereri
 Debit aspectu facies matura fauorem
 Heredes superum Perse, gens vnica bello
 Cui genus a prisca descendit origine Beli
 Quicq; prius sacra meruit venerandus ydea
 Inter celicolas solio stellante locari
 Soluite corda metu, pudor est pugnamq; vocari
 Dedecet, in dominum cum seruus abutitur armis
 Vltio non bellum est, seruos vbi sceptras rebelles

LIBER SECVNDVS

Corripiunt. captosq; domant. patriamq; tuentur
 Spurius ille puer regni moderamen adeptus
 Cuncta sibi cessura ratus: feruore iuente
 Ducitur. & casus ruit impro uisus in omnes
 Et pugnando mori mauult q̄ cedere victus
 Et iam spe vacuus: animo lentescit inani
 Damnorumq; memor que grannitus intulit annis
 Incipit afflictus patrijs diffidere rebus
 Proh pudor in rerū dominos: quibus om̄e metallum
 Seruit. serui inopes pauci sine viribus audent
 Scire velim Macedo. quibus inspirante megera
 Artibus illius cyri te posse potiri
 Imperio iactas. cui lydia cresus & omnes
 Curuauere genu quocumq; sub axe tyranni
 Qui licet extinctus. me successore superstes
 Regnat. & in viuo viuūt fortuna sepulti
 Si veterum monimenta manent: si mente recordor
 Scripta patrum memori: quis nos a stirpe gygantum
 Ignorat duxisse genus: quis bella deorum
 Quis coctum laterem: structamq; bitumine turrem
 Nesciat a proauis. magneq; quis immemor vrbis
 Cui dedit eternum labij confusio nomen
 Ergo agite o proceres patrium reuocare vigorem
 Pro patria stare: & patrię titulis & honori
 Inuigilare decet. ne pauper & aduena victor
 Conculcet pedibus terram & monimenta parentum
 At si quem vestrū: quod abominor: improbus hostis

ALEXANDREIDOS:

Excitiat campo. profugumq; per arua fatiget
 Si mihi: si patri; si ciuibus arma negatis
 Vxores saltim ac nati; quos hostica clades
 Obteret in castris. moueant in bella reuerti.
 Non tamen id vereor. quia iam victoria per sis
 Applaudit ducibus. etenim ludente fauilla
 Ardere in somnis: macedum tentoria vidi
 Vesanumq; ducem ritu babilonis amictum
 Purpureo luxu; subeuntem moenibus vrbis
 Ad me perlatum: dehinc euanescere raptum
 Quid moror: eternum testor iubar. aurea solis
 Lumina: cui dedimus nostris in finibus ortum
 Hostis erit. quicumq; fuge laxabit habenas.

Plura loquuturo. celeri pede nuncius affert
 Deseruisse locum graios. pauidosq; cohortes
 Consuluisse fuge. iam per compendia saltus
 Ad pelagus rapuisse gradum. perc; ardua montis
 Precipitasse viam. mollem sic principis aurem
 Pascit adulator. fluitat percussus inani
 Leticia. damnatq; moras. exercitus ergo
 Flumine transmitto: per saxa per inuia raptim
 Querit iter. profugumq; parat peruertere regem

Quo ruitis peritura manus: iuuenem ne putatis
 Inuictum fugere hunc: qui quouis crimine credit
 Turpius esse fugam: qui ne fugiatis inertes
 Hoc solum meruit: etenim si forte daretur
 Optio talis ei. fugiens an cedere mallet

LIBER SECVNDVS

Quam vinci a profugis, hostiq; resistere victus
 Forsitan ambigeret vtrum minus esset honori
 Iam caldea cohors ysson festina propinans
 Proditur excubijs, auri lapidumq; nitore
 Fulgurat armorum series, graditurq; rapaci
 Turbine puluereo, furata volumine solem
 Prouidus aeriâ currens speculator ab arce
 Nunciat argolicis, Babylonis adesse tyrannum
 Et genus omne hominum, vix credere sustinet ille
 Quem belli mora sola mouet, prior ergo maniplis
 Intonat arma arma o Danaï prior vrbe relicta
 Fulminat in Persas, sequitur galeata iuuentus
 Sic ruit in prædam ieiuna fauce Lycaon
 Cuius opem sicco mendicat ab vbere pendens
 Vagitus prolis, tandemq; impægit in agros
 Cædis amica fames, vacuis concepta sub antris
 Stat pecus attonitâ, quod nec fugere audet, & ipsum
 Si fugiat nemoris alios incurret hiatus
 Copula diripitur canibus: quos ore canoro
 Et bacculo & palmis irritat ab aggere pastor
 Haud aliter Macedum rex debacchatur in illam
 Barbariem, quæ nunc profugum pauitare ferebat
 Hos vbi discretis acies aduersa cateruis
 Aspicit in bellum subito prodire volatu
 Spem sibi mentitam metuens, in prælia mente
 Confernata ruit, sed vox & in arma ruentum
 Impetus, & discors exercitus agmina turbat

d

ALEXANDREIDOS

Quippe vie potius quam bello: hosticq; terendo
 Aprus erat miles; Darius tamen agmine rursus
 Disposito; caute secum, deliberat hostem
 Milite consulto vi circumcingere multa
 Vtile propositum, regicq; suisq; salubre
 Quod ratus est; verum ratione potentior omni
 Discussit fortuna procax; que sola tuetur
 Tuta; grauata leuat, cassat rata; foedera rumpit
 Infirmat firmum. fixum mouet, ardua frangit
 Iam Macedum series certo stabilita tenore
 Inq; acies. distincta suas; montana tenebat
 Rex stabilem peditem; velut insuperabile vallum
 Opposuit Persis in prima parte phalangem
 In cornu dextro prefecti iura Nichanor
 Parmenionis habet; illi Tholomeus Aminctas
 Perdicas Cenes Clytus & Meleager adherent
 Vnusquisq; sui dux agminis. at tibi leuum
 Commissum est cornu qui nulli Marte secundus
 Parmenio. sequitur alacer cratherus/eisq;
 Iungitur antigonus. & turbidus ense Philotas
 Hostibus expositus ante omnia signa suorum
 Cornipedem versans; in dextro Marte coruscet
 Casside flammanti; gladioq; tremendus & hasta
 Armipotens Macedo; lateri iunctissimus heret
 Conscijs archanis; studio par regis & euo
 Sed longe rosea prestans Ephestio forma
 Precedens igitur hylaris; vexilla quiratum

LIBER SECVNDVS

Prefectos prece sollicitat. blanditur amice
 Consolidat dubios; animos audentibus auget
 Errantes reprimat; sparsasq; recolligit alas
 Spe libertatis feruos; tenues & auaros
 Inuitat precio; lente gradientibus hasta
 Innuat; vt properent. nunc hos nunc circuit illos
 Nunc arcus lentare monet. nunc fundere glandes
 Si procul insistant acies. nunc hoste propinquo
 Rem gladio gerere; nunc querere fata bipenni
 Dumq; gradus inhihent; hæc illis pauca profatur.
 Martia progenies; quorum ditione teneri
 Legibus astringi; totus desiderat orbis
 Ecce dies optata. parat qua prouida nobis
 Soluere promissum totiens; fortuna triumphum
 Cuius in europa dudum preludia sensi
 Cum genus aonidum; totamq; a sedibus urbem
 Delestis; soloq; metu domuistis Athenas
 Cernitis imbelles auro fulgere cateruas
 Cernitis vt gemmis agmen muliebre coruscat
 Pretendit prede plus quam discriminis. aurum
 Vincendum est ferro. tantum didicere minari
 Deliciae molles. gladios & vulnus abhorrent
 Letifer illorum scrutatus viscera mucro
 Cum semel hostili resparsit arua cruore
 Per saltus/per saxa; fuge diuortia quærent
 Quanta mei vobis sit cura; probare licebit
 Cum gladios hebetes; fractos cum videro cassos

ALEXANDREIDOS

Ictibus ambones, ferientis dextera mentis
 Exprimet affectum; tantum sub pectore vobis
 Charus Alexander; quantum permiserit ensis
 Vincite iam victos, gladio qui parcat in hostem
 Ipse sibi est hostis, vitam qui prorogat hosti
 Derogat ille suę, non est clementia bello
 Hostibus esse piũ, grauis est sibi dignaq; cædi
 Cædis parca manus, segnes incurrere mortem
 Dum pauitant audent, sed non occurrere morti
 Aspersis ducibus quotiens illata pelagis
 Mentibus incurrunt iniuria; prælia; cædes
 Creditis esse satis patrum luere acta nepotes
 Plurimus in penas populus non sufficit iste
 Europeę strages Asię pensabo ruinis
 Mœdia cum Dario Persis commissa piabit
 Me duce signa duces producite; me duce vallum
 Sternite, confertos incedite cede per hostes
 Prælia non spoliũ mecum discernite, cedant
 Præmia preda meis, mihi gloria sufficit vna
 Rem vobis; mihi nomen amo, Sic fatur, & ecce
 Concurrunt acies, Persę clamore soluto
 Horrisonis vexant tenues, vlulatus aura
 Classica terrifico diffringunt arua boatu
 Hic fit & inde sonus, lituis illiditur aer
 Et referunt raucos montana cacumina cantus
 Queq; sonos iterat purum sine corpore nomen
 Responsura fuit nunquam tot vocibus echo

LIBER SECVNDVS

Arma tamen Darij multo sudore fabrili
 Parta micant; referuntq; virum monumenta priorum
 Emulus ad litem iubar insuperabile solis
 Inuitat clypeus. septeno fusilis orbe
 Fulget origo patrum Darij: gentisq; prophanus
 Ordo gyganteq; quorum sub principe Nemphrot
 Sennaar in campo videas consistere fratres
 Terrigenas. vbi diluuij dum fata retractant
 Coctile surgit opus: sermo prius omnibus vnus
 Scinditur in varias: dictu mirabile linguas

Parte micans alia: sacram molitur ad urbem
 Rex caldeus iter. fulgent insignia patrum
 Prelia. & hebreæ celebres de gente triumpho
 Victoris sequitur deiecto lumine currum
 Captiuata tribus. muris temploq; redactis
 In planum hostilis infertur moenibus vrbis
 Priuatus solio: gemma cum luce tyrannus

Ne tamen obscurent veterum preconia regum
 Quorundam macule: sculptoris dextera magnam
 Preterijt seriem; q; pretermittere visum
 Inter tot memoranda ducum; regumq; triumphos
 Agresti victu pastum: & fluuiatibus vndis
 Turpe fuit regem versa mugire figura
 Rursus in effigiem sensu redeunte priorem
 Preterijt vixisse patrem: quem filius amens
 Ne nunquam patria regnaret solus in vrbe
 Consilio loachim: proh dedecus; alite diro

ALEXANDREIDOS:

Membratim lacerum sparsisse per auia fertur.
 Vltima pars clypei Perfarum nobile regnum
 Inchoat, in sacro libantem Balthasar auro
 Scribentisq; manum; conuersaq; fata notantis
 Aspicias; cuius occultum enigma resoluit
 Vir desiderij. sed totum circuit orbem
 Atq; oras ambit clypei celeberrima Cyri
 Hystoria, a tanto superari principe gaudet
 Lydia; & ambiguo deceptus Apoline Croesus
 Ausa tamen Thamaris belli tentare tumultus
 Viribus apponit vires, belloq; retundit
 Infractum bellis, & iniquo sydere mergit
 Tot titulis illustre caput, proch gloria fallax
 Imperij, proch quanta patent ludibria fortis
 Humanę, Cyrum terrę pelagicę potentem
 Delicias orbis; quem summo culmine rerum
 Extulerat virtus, quem fama locabat in astris
 Qui rector composq; sui, qui totus; & vnus
 Malleus orbis erat, imbellis femina fregit
 Parcite mortales animos extollere fastu
 Collatis opibus aspernariq; minores
 Parcite victores ingrati viuere summo
 Victori, vires; sceptrum; diadema; triumphos
 Diuicias dare qui potuit auferre valebit.

Finit secundus liber.